

tiellièrement l'entière et sincère affection qu'avons à luy faire très-humble service; et, comme il est gentilhomme et seigneur de telle quallité et suffisant que très-bien il sçaura représenter à Vostre Majesté tout ce qui s'est passé entre luy et moy durant son séjour pardeçà, me déporteray d'ennuyer Vostre Majesté de trop longues lettres, mais seulement supplieray Vostre Majesté très-humblement qu'il luy plaise croyre que lesdiets États et moy ne désirons qu'estre et demeurer très-obéyssans serviteurs d'icelle.

Madame, baisant très-humblement les mains de Vostre Majesté, je supplieray Dieu octroyer à icelle, en très-parfaicte santé, très-heureuse et très-longue vie.

Escript à Rotterdam, ce xxii^e jour de novembre 1575.

(Record office, Cal., n° 469.)

MMMXVII.

Le prince d'Orange à lord Burlcigh.

(ROTTERDAM, 26 NOVEMBRE 1575.)

Lettre de créance pour Marnix et deux autres envoyés.

Monsieur, Comme les Estats de ce pays d'Hollande et Zéclande et moy envoyons présentement vers la Majesté de la Sérénissime Royné d'Angleterre Mons^r de S^ce-Aldegonde, le S^r Buys, advocat d'Hollande, et Franchoyz Malson pour remonstrer à Sa Majesté auleunes choses de la part desdiets Estats et de la mienne, et d'ung mesme chemin luy faire entendre l'estat des affaires de pardeçà, et me confiant en la bonne affection que de tout temps il vous a pleu me porter, j'ay bien voulu adresser lesdiets porteurs à vous pour en mon particulier vous présenter mon très-affectionné service et aussy vous déclarer certaines choses de l'estat des affaires de pardeçà, vous priant que les vueillez sur ce ouyr et croyre, et, selon le bon crédit que je sçay vous avez vers Sa Majesté, leur vouloir impartir toute bonne faveur et adresse à ce qu'ils puissent avoir bénigne audience de Sa Majesté. En quoy obligerez les Estats susdiets et moy de nous employer par tous moyens à nous possihles pour vostre service: ce que de ma part feray tousjours d'aussy bonne volonté que je vous présente iey mes très affectueuses recommandations en vostre bonne grâce, priant Dieu vous donner, Monsieur, en bien parfaicte santé, bien heureuse et longue vie.

Escript à Rotterdam, ce xxvi^e jour de novembre 1575.

(Record office, Cal., n° 464.)